

Periksa tahap keselamatan pusat rekreasi seluruh negara

Berikutan tragedi menimpa lima sekeluarga yang lemas di kawasan rekreasi Air Terjun Belukar Bukit, Hulu Terengganu, baru-baru ini, pihak berkaitan di negara ini terutama pihak berkuasa tempatan dan kerajaan negeri perlu memantau, menilai serta memastikan aspek keselamatan kawasan rekreasi berada dalam keadaan selamat serta sesuai untuk dikunjungi.

Pihak berkaitan perlu aktif memantau serta rajin turun padang memastikan kawasan yang digunakan dan diisytiharkan sebagai tempat rekreasi atau berkelah dalam keadaan baik, bersih serta selamat untuk digunakan selain mengambil langkah segera menilai dan sekiranya perlu melakukan proses penambahbaikan untuk kepentingan pengguna.

Pada masa sama, segala kemudahan asas penting perlu ada serta berada dalam keadaan baik dan sesuai untuk digunakan seperti pondok telefon, tandas awam dan tempat membuang sampah. Papan tanda amaran yang jelas perlu dipasang atau mempertimbangkan menyediakan pengawal keselamatan atau 'lifeguard' bagi memastikan tiada kejadian tidak diingini berlaku.

Elak aktiviti vandalisme
Orang ramai juga perlu memainkan peranan bagi memastikan sesebuah kawasan rekreasi itu berada dalam

“ Pihak berkaitan perlu aktif memantau serta rajin turun padang memastikan kawasan yang digunakan dan diisytiharkan sebagai tempat rekreasi atau berkelah berada dalam keadaan baik, bersih serta selamat untuk digunakan selain mengambil langkah segera menilai dan sekiranya perlu melakukan proses penambahbaikan ”

keadaan baik dan tiada aktiviti vandalisme berlaku terhadap kemudahan disediakan.

Pengunjung juga perlu memastikan lokasi perkelahan mereka sesuai dan tidak memilih tempat yang sunyi dan terlindung daripada pandangan umum.

Semua pihak perlu bekerjasama memastikan kawasan rekreasi di negara ini berada dalam keadaan yang baik serta selamat untuk dikunjungi setiap masa. Melalui kerjasama yang diberikan kejadian tidak diingini dapat dihindari pada masa akan datang.